

Siunnersuut uunga: Atornerluineq pillugu Inatsisartut Inatsisaat nr. xx xx. 2017-imeersoq**Kapitali 1***Atuutsinneqarfia aamma inuit pineqartut*

§ 1. Inatsisartut Inatsisaat atornerluinermik katsorsaaneermut atuuppoq. Tamatuma saniatigut Inatsimmi aalajangersarneqarput aaqquissuusaaneermut killiussat katsorsaaneermut attuumassuteqartut.

Imm. 2. Inatsimmi matumani oqaaseq atornerluineq imigassamik, ikiaroorartumik aanngaajaarniutinillu allanik, aningaasanoorajunnermik tamatumunngalu eqqaanartunik atornerluinermut pinngitsuuisinnaajunnaarnermullu atorneqarpoq.

§ 2. Inuit, Kalaallit Nunaanni inuit allattorsimaffianni nalunaarsorneqarsimasut aamma nunami maani aalajangersimasumik najugaqartut inatsit manna tunngavigalugu ikiorneqarnissamut neqeroorfigineqarsinnaapput.

Imm. 2. Inuit aalajangersimasumik najugaqartuunngitsut aamma inuit allattorsimaffianni nalunaarsorsimanngitsut piffissami kipiffeqanngitsumi sivikinnerpaamik qaammatini arfinilinni atornerluinermik katsorsartinnissamut qinnuteqaateqarnermik siuninnguatigut aalajangersimasumik Kalaallit Nunaanniissimagunik imm. 1-imi aalajangersakkat apeqputaatinnagit inatsit manna tunngavigalugu ikiorneqarnissaminnut neqeroorfigineqarsinnaapput.

Kapitali 2*Atornerluinermik katsorsaaneq*

§ 3. Naalakkersuisut innuttaasunut ataasiakkaanut akeqanngitsumik atornerluinermik katsorsaaneessamik neqerooruteqarput.

Imm. 2. Naalakkersuisut imm. 1 tunngavigalugu nammineq katsorsaavinni ingerlataminni imaluunniit kommunit, pisorta qarfiit allat imaluunniit neqerooruteqartut namminersortut suleqatigalugit atornerluinermik katsorsaaneessamik neqeroorummik pilersitsisinnaapput.

Imm. 3. Katsorsaaneermik neqeroorut kommunit, pisorta qarfiit allat imaluunniit neqerooruteqartut namminersortut suleqatigalugit pilersinneqarpat taava isumaqatigiisummik suliaqartoqassaaq. Isumaqatigiisummi minnerpaamik sullissinerit, sullissinerit qanoq ingerlanneqassanersut aamma sullissinernut akigitinneqartussat aalajangersarneqassapput.

Imm. 4. Naalakkersuisut katsorsaaviit imm. 2-mi taaneqartut pilersinneqarnissaannut, atorneqarnissaannut, ilusilersorneqarnissaannut, aqunneqarnissaannut aamma ingerlanneqarnissaannut sukumiinerusumik maleruaqqusaliorsinnaapput kiisalu katsorsaavimmi katsorsaaneermik suliaqarnermut tunngasunut maleruaqqusaliorsinnaallutik.

§ 4. Katsorsaaneermik neqeroorut tassaasinnaavoq:

- 1) Atornerluisumik siunnersuineq aamma ilitsersuineq.

- 2) Imminut ikiornissamut atortussanik tunniussineq aamma sivikitsumik akulerunneq.
- 3) Atornerluiuunnaarnerup kingunerisaanik kingunerlutsitsinermik katsorsaaneq.
- 4) Nakorsaatitortitsilluni katsorsaaneq.
- 5) Inunnik ataasiakkaanik, aappariinnik aamma ilaqutariinnik oqaloqatiginnittarnikkut katsorsaaneq.
- 6) Katsorsartereersunut neqerooruteqartarnerit.
- 7) Imminnut ikioqatigiittussanik pilersitsinerit.
- 8) Neqeroorutit taaneqartut akuleriissillugit ataatsimik arlalinnilluunniit neqerooruteqarneq.
- 9) Neqeroorutit allat atornerluinermik katsorsaaniissamik siunertaqartut.

Imm. 2. Katsorsaaneq ornigutsitsisarnikkut, ullukut neqeroorutit imaluunniit ulloq unnuarlu neqeroorutit ingerlanneqarsinnaavoq.

Imm. 3. Piffimmi katsorsaaniissamut periarfissat aamma isumalluutit katsorsaanermik neqeroorutini apeqqutaasarmata innuttaasoq aalajangersimasumik katsorsartinnissaminut piumasaaqateqarsinnaanngilaq.

Imm. 4. Naalackersuisut 18-it inorlugit ukioqartunut katsorsaaniissamik neqeroorutitut tunngatillugu aalajangersaasinnaapput, aammattaaq atornerluisunut immikkut ittumik katsorsarneqarnissamik pisariaqartitsisunut sukumiinerusumik maleruaqqusaliorsinnaallutik.

§ 5. Naalackersuisut atornerluinerit ataasiakkaat, § 1, imm. 2-mi taaneqartut, qanoq katsorsarneqarnissaat pillugit sukumiinerusumik maleruaqqusaliorsinnaapput.

Kapitali 3

Atornerluinermik katsorsaanerup aaqqissuussaanerani killiliussat Allorfik

§ 6. Naalackersuisut atornerluinermik paasisimasaqarfimmik, Allorfimmik, pilersitsissapput. Allorfik aaqqissuusaanikkut Peqqissutsimut Naalackersuisoqarfiup ataani inisisimavoq.

Imm. 2. Allorfik siulersuisunit aamma paasisimasaqarfimmi aqutsisumit aqunneqarpoq.

Siulersuisut

§ 7. Naalackersuisut Allorfiup siulersuisunik pilersitsissapput. Siulersuisut susassaqarfiit akimorlugit katitigaapput ukiunilu sisamani atuuttussanngorlugit toqqarneqartarlutik. Ilaasortat toqqarneqaqqissinnaapput.

Imm. 2. Kommunini ataasiakkaani kommunalbestyrelsi siulersuisunut ilaasortaattassamik ataatsimik toqqaassapput. Kommuninik allanik pilersitsisoqartillugu siulersuisuni ilaasortaattat amerlassusiisa naligiissinneqarnissaat qulakkeerneqassaaq.

Naalackersuisut siulersuisunut ilaasortaasussanik sisamanik toqqaassapput.

Naalackersuisoqarfiit ataasiakkaat, ilaasortaasussamik ataatsimik inassuteqartussat, inassuteqaataat tunuliaqutaralugu toqqaasoqartassaaq:

- 1) Peqqissutsimut Naalackersuisoqarfik,

2) Ilaqutariinnermut, Naligiissitaanermut, Isumaginninnermut Inatsisinillu Atuutsitsinnermut Naalackersuisoqarfik,

3) Aningaasaqarnermut Naalackersuisoqarfik aamma

4) Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik.

Imm. 3. Ilaasorta, Peqqissutsimut Naalackersuisoqarfimmit inassutigineqartoq, siulersuisuni siulittaasussatut inisseqqareerpoq.

Imm. 4. Naalackersuisut siulersuisunut ileqqoreqqusat aalajangersassavaat.

Imm. 5. Siulersuisut namminneq suleriaasissatik aalajangersassavaat.

§ 8. Allorfirmi siulersuisut ukiumut sisamariarlutik ataatsimiittassapput. Ataatsimiinnerit taakku ilaat pingasut elektroniskiusumik ingerlanneqarsinnaapput.

Imm. 2. Siulersuisut aalajangersaasinnaatitaapput siulittaasoq aamma ilaasortat sinneri ikinnerpaamik tallimat peqataappata. Taasinerit naligiippata siulittaasup taasinera aalajangiisuusaaq.

§ 9. Siulersuisuni ilaasortat, siulersuisut sulinerannut peqataanissartik pissutigalugu najukkaminnet aallartariaqartut, akiliunneqarlutik angalassapput ineqartinneqarlutillu aammattaq maleruaqqusat tjenestemandinut atuuttut tunngavigalugit ullormusiaqartinneqarlutik.

Imm. 2. Siulersuisuni siulitaasumut ukiumoortumik aningaasanik tunniussisoqartassaaq, taakku assigaat Inatsisartuni ilaasortanut ilaasortaanermi aningaasartuutitut tapiissutit tunniunneqartut affaat, Inatsisartuni Naalackersuisunilu ilaasortat aningaasarsiaqartitaanerit il. il. pillugit Inatsisartut Inatsisissaanni aalajangersakkat sukulluunniit atuuttut tunngavigalugit.

Siulersuisut suliassaqaarfii

§ 10. Siulersuisut akisussaaffigaat Allorfiup aqunneqarnera tassunnga ilanngullugit Allorfiup inatsimmi matumani killiussat naapertorlugit aamma sammisamut tunngatillugu Naalackersuisut anguniagaat naapertorlugit sulinissaa.

Imm. 2. Allorfik siulersuisunut allatseqarfittut atuuppoq.

Imm. 3. Siulersuisut ukiumoortumik Allorfiup qitiutitassaanik aamma iliuuseqarfisassaanik aalajangersaasassapput.

§ 11. Siulersuisut ukiumoortumik Naalackersuisunut nalunaarusiortassapput.

Imm. 2. Siulersuisut Allorfirmi pissutsinut tunngasut pillugit Naalackersuisunut oqaaseqaammik tunniussisinnaapput aamma siunnersuuteqarsinnaallutik.

Imm. 3. Siulersuisut, Naalackersuisunit apeqqutinut, imminnut saqqummiunneqartunut oqaaseqaammik tunniussisassapput.

Imm. 4. Naalackersuisut siulersuisut suliassai pillugu sukumiinerusumik maleruaqqusaliorsinnaapput.

Paasisimasaqarfimmi aqutsisoq

§ 12. Allorfimmi siulersuisut inassuteqarnerat tunngavigalugu Naalakkersuisut paasisimasaqarfimmi aqutsisumik atorfinitsitsineq akuersissutigissavaat.

Imm. 2. Paasisimasaqarfimmi aqutsisoq tulluurtumik ilinniarsimasuussaaq masteritut qaffasissusilimmik aamma Allorfiup atonerluisunik katsorsaasartutut ilinniartitaanermik neqeroorutigisaanik naammassisaqarsimasuussalluni.

Imm. 3. Paasisimasaqarfimmi aqutsisoq siulersuisunut akisussaassuseqarpoq.

§ 13. Paasisimasaqarfimmi aqutsisoq Allorfiup ulluinnarni aqunneqarneranik isumaginnittuuvoq.

Imm. 2. Paasisimasaqarfimmi aqutsisoq Allorfimmi sulisunik atorfinitsitsinermut akisussaasuvoq.

Imm. 3. Naalakkersuisut paasisimasaqarfimmi aqutsisup suliassai pillugit sukumiinerusumik maleruaqqusaliorsinnaapput.

Allorfiup suliassai

§ 14. Allorfik makkuninnga suliassaqrpoq:

- 1) Atonerluineq pillugu iliuserisaannik ataatsimut ataqatigiissarineq.
- 2) Paasisutissanik, ilaatigut Atonerluinermik Nuna Tamakkerlugu Nalunaarsuiffimmut tunniunneqartussanik, aaqqissuussaasumik katersuinermik akisussaaneq.
- 3) Atonerluineq pillugu iliuseqarnermik nakkutilliineq aamma nalilersuineq.
- 4) Sammisap iluani ilinniartitaanermut ingerlatsinernik aamma ilitersuisarnermik ineriartortitsineq aamma pilersaarusiorneq.
- 5) Katsorsarneqartussanik innersuussisarnermut maleruagassaliornissamut akisussaaneq.
- 6) Katsorsartinnissaq sioqqullugu, katsorsartereernermi aamma tamatuma kingorna ingerlaqqinnissamut pilersaarutinut maleruagassanik pilersitsinissamut akisussaaneq.
- 7) Atonerluinermik katsorsaanermt tunngatillugu paasisutissiisarnernut aamma ingerlatitseqqiisarnernut akisussaaneq.
- 8) Katsorsaanermt neqeroorutit Allorfimmit killiussatut aalajangersakkat iluanni ingerlanneqarnerannik qulakkeerinninneq.
- 9) Atonerluinermut sammisunik ineriartortitsinermik qulakkeerinninnissaq.
- 10) Ilisimatusarnermik suliqaarfinnik aamma soqutigisaqaqatigiinnik suleqateqarneq.
- 11) Susassaqrfiit akimorlugit ataqatigiissarinermut aamma suleqatigiinnermt akisussaaneq, kiisalu atonerluinermik sammisaqarnerup iluani oqartussaasunik aamma namminersortunik suleqateqartarnernut peqataaneq.
- 12) Suliassat allat atonerluinermik katsorsaanermt pingaaruteqartut.

Imm. 2. Allorfiup sammisaanut tunngasunut, tamatumunnga ilanngullugit suliassat imm. 1-imi taaneqartunut, Naalakkersuisut sukumiinerusumik maleruaqqusaliorsinnaapput.

Illoqarfinni atornerluinermik katsorsaaviit

§ 15. Naalackersuisut kommunini ataasiakkaani atornerluinermik katsorsaavinnik, Allorfiup immikkoortorta qarfiinik, pilersitsissapput.

Imm. 2. Illoqarfinni atornerluinermik katsorsaaviit aaqjissuussaannermi Allorfimmut ilaapput Allorfillu sinnerlugu illoqarfinni suliaqartassallutik.

Imm. 3. Tamatuma sanitatigut illoqarfinni katsorsaaviit katsorsartinnissamut kajumissaarissapput aammattaaq Allorfiup killiliussarititaata iluani inunnik atornerluisunik katsorsaassallutik.

Imm. 4. Illoqarfinni katsorsaaviit suliassat imm. 3-mi taaneqartut oqartussaasoqarfiit allat imaluunniit neqerooruteqartut namminersortut suleqatigalugit ingerlassinnaavaat.

Imm. 5. Illoqarfinni katsorsaaviit suliassat aamma nunap immikkoortuani sumi inissisimanissat pillugit Naalackersuisut sukumiinerusumik maleruaqqusaliorsinnaapput.

Inuit atornerluisunut pingaaruteqartut

§ 16. Inuit atornerluisunut pingaaruteqartut namminneq suliffimminni atornerluinermik pinaveersaartitsinermit peqataassapput aamma katsorsartinnissamut kajumilersitsissallutik. Inuit atornerluisunut pingaaruteqartut katsorsartinnerup naammassereernerata kingornatigut atornerluinermut uteqqinnissamut pinaveersaartitsinermit peqataasinnaapput. Inuttut atornerluisunut pingaaruteqartut suliaqarneq aamma atorfeqartitaanermi atugassarititaasut pigiinnarneqarnissat pillugit Allorfiup aamma inuup atornerluisumut pingaaruteqartup sulisitsisuata akornanni isumaqatigiissusiortoqassaaq.

Imm. 2. Inuit atornerluisunut pingaaruteqartut tassaasinnaapput inunnik sullissisut, ilaqtariinnut sullissivinni sulisut, peqqinnissaqarfimmi, ilinniarfinni, atuarfinni, pisortat suliffeqarfiini allani aamma inuussutissarsiutinik ingerlatsisuni namminersortuni atorfillit.

Imm. 3. Inuit atornerluisunut pingaaruteqartut illoqarfimmi katsorsaavimmit tapersorsorneqassallutillu ilitsersorneqassapput.

Imm. 4. Inuit atornerluisunut pingaaruteqartut inuttut atornerluisunut pingaaruteqartut suliaqarnerminnut atatillugu paasissutissanik ilisimalersimasaminnik nipangiussisimasussaatitaapput.

Imm. 5. Inuit atornerluisunut pingaaruteqartut inuttut atornerluisunut pingaaruteqartut suliaqarnissaminnik aallartitsinnginnerminni Allorfimmit neqeroorutigineqartumit ilinniartitaanermik ingerlatsisimassapput.

Kapitali 4

Katsorsartinnissamut qinnuteqaateqarneq

Innersuussinermut maleruaqqusat aamma susassaqarfiit akimorlugit suleqatigiinneq

§ 17 Katsorsartinnissamut qinnuteqaat pineqartup kommunimi angerlarsimaffiani illoqarfimmi katsorsaavimmut tunniunneqassaaq. Inuit kommunit agguataarneqarnerisa avataanni najugaqartut qinnuteqaataat Allorfimmut tunniunneqassapput.

Imm. 2. Qinnuteqaateqartoq katsorsaaneramik neqeroorummik tunineqassanersoq Allorfiup aalajangissavaa.

Imm. 3. Katsorsaasoqarnissaanik aalajangiinnermut aamma neqeroorummik toqqaanermut tunngaviusut makkuussapput:

1) Katsorsarneqarnissamik pisariaqartitsineq, isumalluutit aamma katsorsartinnissamut periarfissat.

2) Katsorsaaneramik neqeroorutaasoq annikinnerpaamik akuliutsitsisoq sunniuteqarluarnerpaasutullu nalilerneqartoq.

3) Sapinngisamik innuttaasup angerlarsimaffianut qaninnerpaaq.

Imm. 4. Naalackersuisut atornerluineramik katsorsarneqarsinnaanermut piumasaqaatinik tunngaviusunik sukumiinerusumik aalajangersaasinnaapput.

§ 18. Allorfik katsorsaaneramik neqeroorutininik aaqqissuussisuussaaq pisariaqartinneqartunik naliliineq pillugu innuttaasup pineqartup suleqatigineratigut.

Imm. 2. Katsorsaasoqarnissaanut innersuussineq sioqqullugu imaluunniit tamatuma kingornatigut piaartumik atornerluisup ataatsimoortumik qanoq inissisimanagera Allorfiup paasiniassavaa.

Imm. 3. Paasiniaanermut ersersinneqarpat katsorsartinnissaq sioqqullugu kommunip ingerlataanik iliuuseqartariaqartoq, taava kommuni atornerluineramik katsorsaanerup siunertarineqartutut sunniuteqarnissaanut pisariaqartunik iliuusissanut pilersaarusiussaaq.

Imm. 4. Paasiniaanermut ersersinneqarpat peqqinnissaqarfiup ingerlataanik katsorsartinneq sioqqullugu iliuuseqartariaqartoq, taava peqqinnissaqarfimmi oqartussat atornerluineramik katsorsaanerup siunertarineqartutut sunniuteqarnissaanut pisariaqartunik iliuusissanut pilersaarusiussapput.

Imm. 5. Iliuusissat sapinngisamik aallartinneqassapput katsorsaanerup aallartinneqannginnerani.

Imm. 6. Tamakku saniatigut kommuni katsorsaanerup naammassinerata kingorna iliuusissanut aallartinneqartussanut tunngatillugu pilersaarusiussaaq. Atornerluineramik katsorsaaneq aallartinneqassappat katsorsartinneq kingornatigut iliuusissanut pilersaarusiortoqarnissaa piumasaqaataavoq.

Susassaqarfiit akimorlugit iliuuseqarneq

§ 19. Susassaqarfiit akimorlugit iliuuseqarneq atornerluisut katsorsartereernerup kingorna atornerluisuujunnaartutut ingerlaannarnissaanik meeqqallu ilaqutariinnit atornerluisuneersut atugarissaarnerisaannik immikkut eqqumaffiginnissamik qulakkeerinneqataassaaq.

Imm. 2. Suleqatigiinnermi anguniagassat aamma akisussaaffiit agguarneqarnissaat pillugit kommunit ataasiakkaat aamma Allorfiup akornanni suleqatigiinnermut isumaqatigiissutinik atsiortoqassaaq.

Imm. 3. Suleqatigiinnermi anguniagassat aamma akisussaaffiit agguarneqarnissaat pillugit peqqinnissaqarfimmi oqartussat aamma Allorfiup akornanni suleqatigiinnermut isumaqatigiissutinik atsiortoqassaaq.

Imm. 4. Allorfiup ukiut affakkarlugit suleqatigiinnissamik isumaqatigiissutit pillugit kommunit ataasiakkaat aamma peqqinnissaqarfimmi oqartussat ataatsimeeqatigisassavai.

§ 20. Atornerluisumik katsorsaaneq sapinngisamik pitsaanerpaq anguniarlugu illoqarfimmi katsorsaaviup, kommunit ataasiakkaat aamma najukkami peqqinnissaqarfiup akornanni susassaqarfiit akimorlugit aamma suliatigut ilinniakkat akimorlugit suleqatigiinneq pilersinneqassaaq.

Imm. 2. Suleqatigiinnermut taamatuttaaq ilanngunneqarsinnaapput pinerluttunik isumaginnittoqarfik, politiit aamma oqartussaasut allat imaluunniit sullissisut namminersortut, taakkua peqataanissaat atornerluisumut tulluarpat.

Imm. 3. Susassaqarfiit akimorlugit suleqatigiinnik ataatsimiigiaqqusinissaq illoqarfimmi katsorsaaviit akisussaaffigaat.

§ 21. Naalackersuisut innersuussisarnermut aamma susassaqarfiit akimorlugit iliuuseqarnermut, tamatumunnga ilanngullugit suleqatigiinnermut isumaqatigiissutinut, maleruaqqusanik sukumiinerusumik aalajangersaasinnaapput.

Kapitali 5

Atornerluinermik nuna tamakkerlugu nalunaarsuiffik

§ 22. Naalackersuisut nuna tamakkerlugu atornerluineq pillugu nalunaarsuiffimmik pilersitsissapput, tamatumani siunertarineqarpoq atornerluinermut tunngatillugu ataatsimoortumik iliuuserisat pillugit katersukkanik takussutissaqartitsisinaanissaq.

Imm. 2. Naalackersuisut atornerluinermik nuna tamakkerlugu nalunaarsuiffik, tamatumunnga ilanngullugit nalunaaruteqartarnerit aamma nalunaaruteqartarnermut atortorisassat, ingerlatsinermik isumaginninneq aamma paasissutissanik katersuineq pillugit sukumiinerusumik maleruaqqusaliorsinnaapput.

§ 23. Pisortat, katsorsaaneermik ingerlatsiviusartut namminersortut aamma katsorsaasartut namminersortut, atornerluisunik katsorsaaneermi suliaqartartut katsorsaaneerup aallartinnerani aamma naammassinerani atornerluinermik nuna tamakkerlugu nalunaarsuiffimmut nalunaaruteqartassapput.

Imm. 2. Pisortat, katsorsaaneermik ingerlatsiviusartut namminersortut aamma katsorsaasartut namminersortut katsorsaaneerup naammassereerneranit qaammatit arfinillit qaangiuppata

atornerluinermik nuna tamakkerlugu nalunaarsuiffimmut katsorsartinnerup sunniutai pillugit nalunaaruteqassapput.

Imm. 3. Kommunini oqartussat katsorsartinnerup naammassinerata kingorna qaammatit pingasut aamma aqqaneq-marluk qaangiuppata atornerluinermik nuna tamakkerlugu nalunaarsuiffimmut katsorsartinnerup sunniutai pillugit nalunaaruteqartassapput. Inuk kommuni qimallugu nuussimappat, taava kommunip nuunnermi qimatap kommunimut nuuffigisaanut suliamut tunngasut pisariaqartut ingerlateqqissavai, tamatuma kingorna nalunaarsuineq tassanngaanniit ingerlanneqassaaq.

Imm. 4. Nalunaaruteqartarnerit ingerlanneqassapput malittarisassat Allorfimmit suliarineqartut tunngavigalugit aammattaq inunnik paasissutissanik suliarinnittarneq pillugu inatsimmi inuit pillugit paasissutissanik ingerlatsitseqqittarneq pillugu maleruaqqusat sukkulluunniit atuuttuusut tunngavigalugit aamma pisortat ingerlatsineranni suliaassat suliarineqartarnerat pillugu inatsit tunngavigalugit.

Kapitali 6

Illoqarfinni katsorsaavinni sulisunik ilinniartitsineq

§ 24. Illoqarfinni katsorsaavinni sulisut bacheloritut ilinniarsimasuussapput imaluunniit qaffasinnerusumik ilinniakkamik tulluartumik ilinniarsimasuussallutik.

Imm. 2. Inummik bacheloritut ilinniarsimasumik imaluunniit qaffasinnerusumik ilinniarsimasumik atorfinitsitsisoqarsinnaangippat taava inuit piffissami sivikinnerusumi ilinniarsimasut atorfinitsinneqarsinnaapput tulluartumik sulinermikkut misilittagaqarpata aamma atornerluinermik katsorsaannermut tunngasumik ilinniagaqaqqinnermik ingerlatsisimappata.

Imm. 3. Kikkut tamarmik Allorfiup immikkoortortaqaarfiini sulisut atornerluinermik katsorsaannermik ilinniartitaanermik illoqarfinni katsorsaavinnit neqeroorutigineqartumik ingerlatsisimassapput. Allorfiup ilinniartitaanerit allat assingusumik qaffasissusillit akuerisinnaavai.

Kapitali 7

Nakkutilliineq, maalaaruteqarneq, aningaasalersuineq aamma atortuulersitsinermit aalajangersakkat Nakkutilliineq

§ 25. Nunatsinni Nakorsaaneqarfik inatsit manna tunngavigalugu atornerluisunik katsorsaannermik nakkutilliisuvoq, tak. Peqqinnissaqarfiup aqunneqarnera, aaqqissuusaaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaanni aalajangersakkat aamma Nunatsinni Nakorsaaneqarfiup sulinera pillugu Namminersorlutik Oqartussat nalunaarutaat.

Maalaaruteqarnissamut periarfissat

§ 26. Ingerlatsinermi pisunut tunngasunut maalaarutit allaganngorlugit Allorfimmut tunniunneqassapput.

Imm. 2. Allorfimmit imm. 1 tunngavigalugu aalajangerneqartut tunngaviusumik apeqqutitut tunngasut Peqqissutsimut Naalakkersuisoqarfimmut ingerlateqqinneqarsinnaapput.

§ 27. Allorfimmi aalajangiinerit atonerluinermik katsorsaanissamik itigartinneqarnermut tunngasut Isumaginninnermi Naammagittaalliuuteqartarfimmut allaganngorlugit maalaarutigineqarsinnaapput. Maalaarut Isumaginninnermi Naammagittaalliuuteqartarfimmut ingerlatinneqarsimassaaq innuttaasup aalajangiinermik tigusinerata kingorna sapaatit-akunneri sisamat qaangiutsinnagit.

Imm. 2. Isumaginninnermi Naammagittaalliuuteqartarfimmit aalajangerneqartut allaffissornikkut oqartussaasumut allamut suliassanngortillugu ingerlateqqinneqarsinnaanngilaq.

Aningaasaliineq

§ 28. Allorfimmik aamma illoqarfinni katsorsaavinnik pilersitsinermut aamma ingerlatsinermut aningaasartuutit Namminersorlutik Oqartussanit aningaasartuutigineqassapput.

Imm. 2. Innuttaasunik Allorfimmit katsorsartinnissamut innersuunneqarsimasunik katsorsaanermut aningaasartuutit Namminersorlutik Oqartussanit aningaasartuutigineqassapput, taamaattorli tak. § 29.

Imm. 3. Innuttaasunik nuna tamakkerlugu ulluunerani neqeroorutigineqartut atorlugit katsorsartinnissamut Allorfimmit innersuunneqarsimasunik angallassinermut aamma ineqartitsinermut aningaasartuutit Namminersorlutik Oqartussanit aningaasartuutigineqassapput.

Imm. 4. Katsorsaasunik Allorfimmik isumaqatigiissuteqarlutik illoqarfinni katsorsaaveqanngitsuni katsorsaasunik angallassinermut aamma ineqartitsinermut aningaasartuutit Namminersorlutik Oqartussanit aningaasartuutigineqassapput.

Imm. 5. Innuttaasunik Allorfimmit nammineq kommunimi katsorsartinnissamut innersuunneqarsimasunik angallassinermut aamma ineqartitsinermut aningaasartuutit kommunimi oqartussanit aningaasartuutigineqassapput.

Imm. 6. Katsorsartinnissaq sioqqullugu iluuseqartoqarnissaanut aningaasartuutit kommunimi oqartussanit imaluunniit peqqinnissaqarfimmi oqartussanit aningaasartuutigineqassapput, tamatumani apeqqutaatillugu katsorsartinnissaq sioqqullugu iliuuserineqartussat sumut attuumassuteqarnerat.

Imm. 7. Aningaasartuutit katsorsartereernerup kingornatigut pilersaarummut attuumassuteqartut kommunimi oqartussanit aningaasartuutigineqassapput.

Imm. 8. Katsorsartinnermut aningaasartuutit toqqaannartumik katsorsartinnerup ingerlanneqarneranut attuumassuteqartut Namminersorlutik Oqartussanit aningaasartuutigineqassapput.

§ 29. Innuttaasunik eqqartuunneqarsimasunik, katsorsartinnermik aallartinnerata nalaani isertitsivimmiittunik, atornerluinermik katsorsaannermut aningaasartuutit Kalaallit Nunaanni Pinerluttunik Isumaginnittoqarfimmit akilerneqassapput.

Imm. 2. Innuttaasoq atornerluinerminik katsorsartinnermi nalaani iperagaappat katsorsartinnerata naammassinissaata tungaanut aningaasartuutit Kalaallit Nunaanni Pinerluttunik Isumaginnittoqarfimmit akilerneqassapput.

Imm. 3. Innuttaasup eqqartuunneqarnermi nalaani atornerluinerminik katsorsartilluni aallartissimasup atornerluinerminik katsorsartinnini naammassisinnaassavaa atugassarititaasut atuuttut malillugit. Tamatumani aningaasartuutit Namminersorlutik Oqartussanik akilerneqassapput katsorsartinnerup aallartinneqarsimasup naammassinissaata tungaanut.

Imm. 4. Innuttaasut eqqartuunneqarsimasut ataasiakkaat katsorsartinnerisa ingerlanneqarnissaat, tamatumunnga ilanngullugit katsorsaannermut aningaasartuutit, pillugit Allorfiup aamma Kalaallit Nunaanni Pinerluttunik Isumaginnittoqarfiup akornanni isumaqatigiissuteqartoqassaaq.

§ 30. Kommuni aningaasartuutininik akiliisoq tassaavoq kommuni pineqartup inuit allattorsimaffianni nalunaarsorneqarfigisaa aalajangersimasumillu najugaqarfigisaa imaluunniit inissisimaffigisaa, tak. § 2-mi aalajangersakkat. Tamatuma saniatigut innersuussutigineqarput kommunit akunnerminni akiliinissamut pisussaaffii pillugit aalajangersakkat sukkulluunniit atuuttut.

Atortuulersitsinermut aalajangersakkat

§ 31. Inatsit manna atuutilerpoq 1. August 2017.

Namminersorlutik Oqartussat, ulloq xx.xx.2017

Kim Kielsen